



**Broj: 01-94/13**  
**Vareš, 27.03. 2013. godine**

**Z A P I S N I K**  
**s 5. sjednice Općinskog vijeća Vareš,**  
**održane 28.02. 2013. godine**

Zdravko Marošević – predsjedavajući Općinskog vijeća Vareš, otvorio je 5. sjednicu s početkom u 09,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Dženana Bešić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

**Odsutni** – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, menadžer Centra za pružanje usluga građanima – Maja Ajanović, ispred Službe za privredu i finansije – Senad Mahmutović, komandir Policijske stanice Vareš – Meho Bajrić, predsjednici političkih stranaka, ispred OSCE Terenski ured Zenica – Johanna Kisielak i Dragan Vuković i predsjednik MZ Vareš Enver Fetišević

Sekretar OV Leon Pavlović izvjestio je Vijeće o realizaciji Zaključaka sa 4. sjednice OV održane 29.01.2013. godine. Na 4. sjednici OV donijelo je jedanaest (11) Zaključaka, sedam (7) Zaključaka je realizovano, tri (3) Zaključka su u toku realizacije jer nisu vremenski određeni, dok je realizacija jednog (1) zaključka prolongirana zbog nedostatka povratnih informacija. Isti će se realizovati na narednoj sjednici OV a odnosi se na Informaciju o stanju napajanja električnom energijom. Na istoj sjednici postavljena su tri (3) vijećnička pitanja. Na dva (2) nadležni su dostavili pismeni odgovor podnosiocima vijećničkih pitanja, a na jedno vijećničko pitanje odgovor je dat u sklopu tačke današnje sjednice, a radi se o Zaključku o pokretanju Inicijative za ustavne reforme. Pitanje je bilo postavljeno od strane vijećnika Elvira Rožajac.

Općinski načelnik Avdija Kovačević u okviru aktuelne problematike na području općine Vareš za današnju sjednicu nije imao obraćanja.

Predsjedavajući OV pozvao je vijećnike koji su dobili odgovore na postavljena vijećnička pitanja na 4. sjednici OV, da se izjasne o istim.

Za riječ se javio vijećnik Demo Kevrić i zahvalio se na dostavljenom odgovoru, napominjući da je isti odgovor dobio i prije dvije godine. Iskreno se nada da će Općinski načelnik iznaći jedinstveno rješenje po pitanju problema prostora za sastajanje i rad svih parlamentarnih stranaka u Općinskom vijeću.

### *(Vijećnička pitanja)*

#### **Mahira Brkić**

1. Traži od nadležne službe da odgovori na koji način je vršena raspodjela sredstava u 2012. godini, namijenjena za rad udruženja koja egzistiraju na općini Vareš, odnosno da li su spomenuta sredstva dodjeljivana po određenim kriterijima (ako jesu po kojim) ili se dodjela vršila po nekom drugom principu, te na koji način će se vršiti raspodjela u tekućoj godini? Traži da sastavni dio odgovora bude i spisak svih udruženja sa iznosima koja su im dodijeljena u prethodnoj godini.
2. Traži od Općinskog načelnika odgovor iz kojih razloga je raspisan javni oglas za popunu upražnjenog radnog mjesta namještenika višeg referenta za pripremu projektne dokumentacije, vođenje projekata i zaštitu okoliša, ako nam je nekoliko puta Općinski načelnik rekao da ima problem sa viškom zaposlenika. Zašto se ne izvrši preraspodjela određenih radnih mjesta, nego se Općini nameću nove obaveze i rashodi?

#### **Elvir Rožajac**

3. Traži od Općinskog načelnika da preko eko policije riješi problem divlje deponije u naselju Pruga, općina Vareš (da se ustanovi tko odlaže smeće)?
4. Da li zimska služba koja je zadužena za čišćenje puteva ima određeno vrijeme za održavanje puteva i kome se obratiti poslije 15 sati i u dane vikenda?

#### **Demo Kevrić**

5. U ime Savjeta MZ Striježevo traži da se riješi problem javne rasvjete u MZ Striježevo. Napominje da je Savjet MZ u posljednje 2. godine u svom programu rada, prezentovao probleme javne rasvjete?

#### **Ismet Abdulahović**

6. Traži od Općinskog načelnika i nadležne službe da dostave podatke koliko je nevladinih organizacija u zadnjem četverogodišnjem sazivu, kao što je Ministarstvo pravde tražilo, izvršilo izbor Skupštine u svojim organizacijama jer je bilo dosta zloupotreba od strane Načelnika iz prošlog mandata sa Općinskim udruženjima ( nevladinim sektorom ) i da se vidi koliko finansijskih sredstava, koja je organizacija dobila i da se dostavi Općinskom vijeću?

## Asmir Čizmo

7. Uspostavljene su autobuske linije za prevoz učenika a isti ne prevoze ostale putnike. Takav problem se pojavio u MZ Ligatićima i Mižnovićima a kako vidim aktuelan je i u ostalim Mjesnim zajednicama. Pitam vas zašto ne postoje autobuske linije čije usluge mogu koristiti svi stanovnici MZ i kada će se problem riješiti?

## Nikola Šimić

8. Pitanje se odnosi na problematiku obnove i rekonstrukcije porušenih objekata na području Općine Vareš. Traži od Općinskog načelnika i njegovih Službi da pokušaju kontaktirati sa Federalnim i Kantonalnim Ministarstvima gdje su određeni projekti prošli, šta je sa realizacijom? Traži da se uputi zahtjev Vladi Republike Hrvatske, odnosno nadležnom Ministarstvu u vezi dodjele paketa građevinskog materijala, šta je sa realizacijom već postojećih potpisanih ugovora sa Vladom Republike Hrvatske, kako bi se građanima moglo prezentovati o čemu se radi?

Predsjedavajući OV stavio je na raspravu zapisnik sa 4. sjednice OV.

Nije bilo primjedbi i predsjedavajući OV stavio je na izjašnjavanje zapisnik sa 4. sjednice OV i nakon izjašnjavanja vijećnika konstatovao da je **zapisnik sa 4. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 5. sjednicu OV.

Za riječ se javio Općinski načelnik kao ovlašteni predlagatelj i predložio da se tačka 4. predloženog dnevnog reda današnje sjednice „Prijedlog Odluke o dopuni Odluke o radnom vremenu u određenim djelatnostima“ povuče sa dnevnog reda današnje sjednice zbog dorade i zamolio je Općinsko vijeće da se tačka 15. „Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ“ razmatra kao prva tačka dnevnog reda, jer predstavnici Službe za civilnu zaštitu Općine Vareš trebaju danas prisustvovati u 14,00 sati u Zenici na dodjeli nagrada povodom Dana nezavisnosti BiH i Dana Civilne zaštite.

Predsjedavajući OV je konstatovao da je tačka 4. „Prijedlog Odluke o dopuni Odluke o radnom vremenu u određenim djelatnostima“ povučena sa dnevnog reda današnje sjednice a da će se tačka 15. „Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanje opremljenosti PVJ“, razmatrati prva bez mijenjanja pozicije u dnevnom redu.

Nije bilo više prijedloga i predsjedavajući OV stavio je na izjašnjavanje prijedlog dnevnog reda sa izmjenom, te nakon izjašnjavanja vijećnika konstatuje da je **jednoglasno usvojen s l i j e d e ć i**

### *D n e v n i r e d*

1. **Prijedlog Odluke o davanju u zakup stanova Općine Vareš.**
2. **Prijedlog Odluke o raspisivanju javnog oglasa za imenovanje člana Općinske izborne komisije Vareš.**
3. **Prijedlog Odluke o nabavci stalnih sredstava-putničkih motornih vozila.**

4. Prijedlog Odluke o utvrđivanju platnih razreda i koeficijenata za obračun plaća u Zajedničkom općinskom pravobranilaštvu.
5. Prijedlog Odluke o izmjenama i dopuni Odluke o osnivanju Zajedničkog općinskog pravobranilaštva.
6. Prijedlog Zaključka o pokretanju Inicijative za izmjene Ustava Federacije Bosne i Hercegovine.
7. Prijedlog Rješenja o imenovanju članova Komisije za izbor u regulirane organe.
8. Prijedlog Rješenja o imenovanju Komisije za sprovođenje izbora za članove Savjeta mjesnih zajednica na području općine Vareš.
9. Prijedlog Rješenja kojim se utvrđuje pravo korištenja građevinskog zemljišta „NAHA“ d.o.o. Dabravine općina Vareš.
10. Prijedlog Rješenja kojim se utvrđuje pravo korištenja „IGM“ d.o.o. Visoko na dijelu zemljišta put „ Stolarija“ k.o. Vareš.
11. Prijedlog Programa uklanjanja ruševnih objekata u 2013. godini.
12. Izvještaj o realizaciji Programa rada Općinskog vijeća Vareš za 2012. godinu.
13. Izvještaj o realizaciji Strategije razvoja (2006-2015) općine za period 2006-2012. godina.
14. Izvještaj o stanju zaštite od požara na području općine Vareš sa akcentom na realizaciju Plana zaštite od požara i stanja opremljenosti PVJ.
15. Izvještaj o rješavanju upravnih stvari u upravnom postupku svih Općinskih službi za upravu u 2012. godini.
16. Informacija o radu Policijske stanice Vareš sa ocjenom stanja bezbjednosti za 2012. godinu.
17. Informacija o realizaciji preporuka iz Izvještaja o reviziji finasijskog izvještaja Općine Vareš, datih od strane Ureda za reviziju institucija u FBiH.
18. Informacija o stanju i podacima usluga koje pruža Centar za pružanje usluga građanima za 2012. godinu.
19. Informacija o projektima obnove stambenih objekata na području općine Varešu 2012. godini
20. Tekuća pitanja.

#### **Ad. 14.**

*(Izveštaj o stanju zaštite od požara na području  
općine Vareš sa akcentom na realizaciju  
Plana zaštite od požara i stanja opremljenosti PVJ)*

Ispred predlagača Željko Franjić pomoćnik načelnika dao je uvodne napomene i dodatno pojašnjenje za ovu tačku dnevnog reda. Skrenuo je pažnju na preventivne mjere koje se trebaju uraditi a u cilju sprečavanja požara.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Mario Mirčić, Đemo Kevrić, Ismet Abdulahović, Zdravko Barkić, Elvir Rožajac, predsjedavajući OV i Općinski načelnik Avdija Kovačević.

Zaključena je rasprava i predsjedavajući OV konstatovao da je najveći prioritet da se realizaciju preventivne mjere za sprečavanje požara, na koje su ukazali vijećnici u raspravi.

Na osnovu diskusije vođene u raspravi predsjedavajući OV predložio je slijedeći

#### **Zaključak:**

- **Obavezuje se nadležna Služba civilne zaštite da do sedmog mjeseca tekuće godine sačini informaciju o poduzetim operativnim radnjama i dostavi Vijeću a u vezi Izveštaja o stanju zaštite od požara na području Općine Vareš sa akcentom na realizaciju Plana zaštite od požara i stanja opremljenosti PVJ i da u devetom mjesecu tekuće godine ( pred grejnu sezonu), Vijeću dostavi informaciju o realizovanim aktivnostima.**

Predsjedavajući OV stavio je na izjašnjavanje Izveštaj o stanju zaštite od požara na području općine Vareš sa akcentom na realizaciju Plana zaštite od požara i stanja opremljenosti PVJ i predloženi Zaključak.

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak i**

***Izveštaj o stanju zaštite od požara na području  
općine Vareš sa akcentom na realizaciju  
Plana zaštite od požara i stanja opremljenosti PVJ.***

#### **Ad.1.**

*(Prijedlog Odluke o davanju  
u zakup stanova Općine Vareš.)*

Ispred predlagača Ermin Musa pomoćnik načelnika upoznao je Vijeće sa tehničkom greškom u Prijedlogu Odluke u članu 21. dao je dodatno pojašnjenje u kome je podsjetio prisutne da je Izveštaj o obavljenoj javnoj raspravi dostavljen svim vijećnicima kao i Informacija sa podacima o stanovima kojima raspolaže Općina Vareš, a na osnovu Zaključka Vijeća sa 4. sjednice.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Elvir Rožajac, Safeta Muftić, Dženana Bešić, Zdravko Barkić, Ismet Abdulahović i predsjedavajući OV.

Za riječ se javio vijećnik Mario Mirčić i ispred Kluba Hrvatske koalicije HDZ-HSS-NHI predložio slijedeći amandman: da se u članu 8. doda stav 2. koji glasi: „Troškove za socijalne kategorije po ovoj Odluci snosit će Općina Vareš“ .(ili Centar za socijalni rad).

U daljoj raspravi učestvovali su vijećnici: Dženana Bešić, Zdravko Barkić, Ismet Abdulahović, predsjedavajući OV i Općinski načelnik koji se izjasnio da predloženi amandman ne može prihvatiti o čemu je dao i obrazloženje.

Vijećnik Mario Mirčić javio se za riječ i izjavio da povlači predloženi amandman uz sugestiju da se u neko razumno vrijeme riješi pitanje u vezi troškova za socijalne kategorije građana koji koriste općinske stanove.

Predsjedavajući OV konstatovao je da prijedloge iznesene u raspravi, vijećnici mogu prezentovati kroz Tekuća pitanja i predložiti Zaključak po kojem će se uraditi detaljna analiza svih stanova i koja će se dostaviti Vijeću.

Zaključena je rasprava i predsjedavajući OV stavio je na izjašnjavanje Prijedlog Odluke o davanju u zakup stanova Općine Vareš.

Nakon izjašnjavanja vijećnika predsjedavajući OV je konstatovao da je **jednoglasno usvojena**

***Odluka o davanju u  
zakup stanova Općine Vareš.***

**Ad. 2.**

*(Prijedlog Odluke o raspisivanju javnog oglasa  
za imenovanje člana Općinske izborne komisije.)*

Komisija za statutarna pitanja i propise na 2. sjednici održanoj 18.02.2013. godine jednoglasno je donijela slijedeći

**Zaključak:**

- **Komisija za statutarna pitanja i propise nema primjedbi na Prijedlog Odluke o raspisivanju javnog oglasa za imenovanje člana Općinske izborne komisije Vareš, te je upućuje vijeću na razmatranje.**

Predlagač nije imao dodatno objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o raspisivanju javnog oglasa za imenovanje člana Općinske izborne komisije Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o raspisivanju javnog oglasa  
za imenovanje člana Općinske izborne komisije Vareš.***

**Ad. 3.**

*(Prijedlog Odluke o nabavci stalnih  
sredstava – putničkih motornih vozila.)*

Komisija za statutarna pitanja i propise na 2. sjednici održanoj 18.02.2013. godine jednoglasno je donijela slijedeći

### **Zaključak:**

- **Komisija za statutarna pitanja i propise nema primjedbi na Prijedlog Odluke o nabavci stalnih sredstava – putničkih motornih vozila, te je upućuje na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o nabavci stalnih sredstava – putničkih motornih vozila.

Nakon izjašnjavanja vijećnika predsjedavajući OV konstatuje da je **jednoglasno usvojena**

#### ***Odluka o nabavci stalnih sredstava – putničkih motornih vozila.***

### **Ad. 4.**

*(Prijedlog Odluke o utvrđivanju platnih razreda i koeficijenata za obračun plaća u Zajedničkom općinskom pravobranilaštvu.)*

Komisija za statutarna pitanja i propise na 2. sjednici održanoj 18.02.2013. godine jednoglasno je donijela slijedeći

### **Zaključak:**

- **Komisija za statutarna pitanja i propise nema primjedbi na Prijedlog Odluke o utvrđivanju platnih razreda i koeficijenata za obračun plaća u Zajedničkom općinskom pravobranilaštvu, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Safeta Muftić, Mario Mirčić, Zdravko Barkić, Elvir Rožajac, Tajiba Brkić, Kenan Kamenjaš, Almir Ciriković, Dženana Bešić, Ismet Abdulahović, predsjedavajući OV, Općinski načelnik, pomoćnik načelnika Ćedomir Jelić i Elma Brčić zamjenica Općinskog pravobranioca koja je dala dodatno pojašnjenje za ovu tačku dnevnog reda i odgovorila na neka pitanja vijećnika postavljena u raspravi.

Nakon izjašnjavanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojena**

#### ***Odluka o utvrđivanju platnih razreda i koeficijenata za obračun plaća u Zajedničkom općinskom pravobranilaštvu.***

Predsjedavajući OV na traženje Kluba vijećnika SDA dao je pauzu u trajanju 15 minuta.

Nastavljeno je sa radom današnje sjednice.

#### **Ad.5.**

*(Prijedlog Odluke o izmjenama i dopuni Odluke o osnivanju Zajedničkog općinskog pravobranilaštva.)*

Komisija za statutarna pitanja i propise na 2. sjednici održanoj 18.02.2013. godine jednoglasno je donijela slijedeći

#### **Zaključak:**

- **Komisija za statutarna pitanja i propise nema primjedbi na Prijedlog Odluke, s tim da se u nazivu Prijedloga Odluke o izmjenama i dopunama Odluke o osnivanju Zajedničkog općinskog pravobranilaštva riječ „dopunama“ zamijeni riječju „dopuni“, te je upućuje Vijeću na razmatranje.**

Ispred predlagača Elma Brčić zamjenica općinskog pravobranioca izjavila je da je ovlašten predlagač prihvatio stav Komisije za statutarna pitanja i propise, koji se odnosi na izmjenu naziva Prijedloga Odluke.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o izmjenama i dopuni Odluke o osnivanju Zajedničkog općinskog pravobranilaštva.

Nakon izjašnjanja vijećnika predsjedavajući OV konstatuje da je **jednoglasno usvojena**

***Odluka o izmjenama i dopuni Odluke o osnivanju Zajedničkog općinskog pravobranilaštva.***

#### **Ad. 6.**

*(Prijedlog Zaključka o pokretanju Inicijative za izmjene Ustava Federacije Bosne i Hercegovine.)*

Otvorena je rasprava u kojoj je učestvovao vijećnik Elvir Rožajac.

Predsjedavajući OV na osnovu sugestije vijećnika Elvira Rožajac, konstatovao je da se Prijedlog Zaključka, pored navedenih adresa, uputi i Ambasadi SAD-a u Sarajevu.

Zaključena je rasprava i predsjedavajući OV stavio je na izjašnjanje Prijedlog Zaključka o pokretanju Inicijative za izmjene Ustava Federacije Bosne i Hercegovine.

Nakon izjašnjanja vijećnika predsjedavajući OV konstatuje da je **jednoglasno usvojen**

***Zaključak o pokretanju Inicijative za izmjene Ustava Federacije Bosne i Hercegovine.***

#### **Ad. 7.**

*(Prijedlog Rješenja o imenovanju članova Komisije za izbor u regulirane organe.)*

Komisija za izbor i imenovanja na 3. sjednici održanoj 18.02.2013. godine jednoglasno je donijela slijedeći



### **Zaključak:**

- **Komisija za izbor i imenovanja nema primjedbi na predloženi Prijedlog sastava Komisije za izbor u regulirane organe, te Prijedlog Rješenja upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju članova Komisije za izbor u regulirane organe.

Nakon izjašnjavanja vijećnika predsjedavajući OV konstatuje da je **jednoglasno usvojeno**

#### ***Rješenje o imenovanju članova Komisije za izbor u regulirane organe.***

### **Ad. 8.**

*(Prijedlog Rješenja o imenovanju Komisije  
za sprovođenje izbora za članove Savjeta  
mjesnih zajednica na području općine Vareš)*

Komisija za izbor i imenovanja na 3. sjednici održanoj 18.02.2013. godine jednoglasno je donijela slijedeći

### **Zaključak:**

- **Komisija za izbor i imenovanja nema primjedbi na predloženi Prijedlog sastava Komisije za sprovođenje izbora za članove Savjeta mjesnih zajednica na području općine Vareš, te Prijedlog Rješenja upućuje Vijeću na razmatranje.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za sprovođenje izbora za članove Savjeta mjesnih zajednica na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojeno**

#### ***Rješenje o imenovanju Komisije za sprovođenje izbora za članove Savjeta mjesnih zajednica na području općine Vareš.***

### **Ad. 9.**

*(Prijedlog Rješenja kojim se utvrđuje  
pravo korištenja građevinskog zemljišta  
„NAHA“ d.o.o. Dabravine općina Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja kojim se utvrđuje pravo korištenja građevinskog zemljišta „NAHA“ d.o.o. Dabravine općina Vareš.

Nakon izjašnjavanja vijećnika predsjedavajući OV konstatuje da je **jednoglasno usvojeno**

#### ***Rješenje kojim se utvrđuje pravo korištenja građevinskog zemljišta „NAHA“ d.o.o. Dabravine općina Vareš..***

#### **Ad. 10.**

*(Prijedlog Rješenja kojim se utvrđuje pravo korištenja "IGM" d.o.o. Visoko na dijelu zemljišta put „Stolarija“ k.o. Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja kojim se utvrđuje pravo IGM“ d.o.o. Visoko na dijelu zemljišta put „Stolarija“ k.o. Vareš

Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje kojim se utvrđuje pravo korištenja „IGM“ d.o.o. Visoko na dijelu zemljišta put “Stolarija“ k.o. Vareš..***

#### **Ad. 11.**

*(Prijedlog Programa uklanjanja ruševnih objekata u 2013. godini.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su učestvovali vijećnici: Nikola Šimić, Mato Pavić i Ermin Musa pomoćnik načelnika koji je ispred predlagača dao dodatno pojašnjenje za ovu tačku dnevnog reda i upoznao prisutne i javnost o pravnim procedurama koje se odnose na uklanjanje ruševnih objekata.

Zaključena je rasprava i predsjedavajući OV stavio je na izjašnjavanje Prijedlog Programa uklanjanja ruševnih objekata u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Program uklanjanja ruševnih objekata u 2013. godini.***

#### **Ad. 12.**

*(Izveštaj o realizaciji Programa rada Općinskog vijeća Vareš za 2012. godinu.)*

Sekretar OV Leon Pavlović dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji Programa rada Općinskog vijeća Vareš za 2012. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o realizaciji Programa rada Općinskog vijeća Vareš za 2012. godinu.***

### **Ad. 13.**

*(Izveštaj o realizaciji Strategije razvoja  
(2006-2015) općine za period 2006-2012. godina. )*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Boško Andrić i Elvir Rožajac.

Zaključena je rasprava i predsjedavajući OV stavio je na izjašnjavanje Izveštaj o realizaciji Strategije razvoja (2006-2015) općine za period 2006-2012. godina.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 5 „SUZDRŽANIH“ glasova usvojen**

***Izveštaj o realizaciji Strategije razvoja  
(2006-2015) općine za period 2006-2012. godina.***

### **Ad. 15.**

*(Izveštaj o rješavanju upravnih stvari u upravnom  
postupku svih Općinskih službi za upravu u 2012. godini.)*

Ispred predlagača Čedomir Jelić pomoćnik načelnika dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o rješavanju upravnih stvari u upravnom postupku svih Općinskih službi za upravu u 2012. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o rješavanju upravnih stvari u upravnom  
postupku svih Općinskih službi za upravu u 2012. godini.***

### **Ad. 16.**

*(Informacija o radu Policijske stanice Vareš sa  
ocjenom stanja bezbjednosti za 2012. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Elvir Rožajac, Ismet Abdulahović, Nikola Šimić i Kenan Kamenjaš.

Zaključena je rasprava i predsjedavajući OV stavio je na izjašnjavanje Informaciju o radu Policijske stanice Vareš sa ocjenom stanja bezbjednosti za 2012. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o radu Policijske stanice Vareš sa  
ocjenom stanja bezbjednosti za 2012. godinu.***

#### **Ad. 17.**

*(Informacija o realizaciji preporuka iz Izvještaja  
o reviziji finansijskog izvještaja Općine Vareš,  
datih od strane Ureda za reviziju institucija u FBiH. )*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o realizaciji preporuka iz Izvještaja o reviziji finansijskog izvještaja Općine Vareš, datih od strane Ureda za reviziju institucija u FBiH.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o realizaciji preporuka iz Izvještaja  
o reviziji finansijskog izvještaja Općine Vareš.  
datih od strane Ureda za reviziju institucija u FBiH.*

#### **Ad. 18.**

*(Informacija o stanju i podacima usluga  
koje pruža Centar za pružanje  
usluga građanima za 2012. godinu.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o stanju i podacima usluga koje pruža Centar za pružanje usluga građanima za 2012. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o stanju i podacima usluga  
koje pruža Centar za pružanje  
usluga građanima za 2012. godinu.*

#### **Ad. 19.**

*(Informacija o projektima obnove  
stambenih objekata na području  
općine Vareš u 2012. godini.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje .Informaciju o projektima obnove stambenih objekata na području općine Vareš u 2012. godini

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o projektima obnove  
stambenih objekata na području  
općine Vareš u 2012. godini .*

## **Ad. 20.**

*(Tekuća pitanja.)*

1. Predsjedavajući OV upoznao je prisutne o Inicijativi za donošenje izmjena i dopuna Odluke o naknadama vijećnika i članova radnih tijela Općinskog vijeća Vareš – Prečišćeni tekst, broj: 01-17/11 od 18.01.2011. godine. Inicijativa je upućena od strane Stručne službe Općinskog vijeća i Općinskog načelnika i ista je dostavljena svim predsjednicima Klubova vijećnika.

Nije bilo rasprave po ovoj tački dnevnog reda i predsjedavajući OV stavio je na izjašnjavanje predloženu Inicijativu za donošenje izmjena i dopuna odluke, te nakon izjašnjavanja vijećnika konstatuje da **jednoglasno**

- **Vijeće prihvata Inicijativu za donošenje izmjena i dopuna Odluke o naknadama vijećnika i članova radnih tijela Općinskog vijeća Vareš – Prečišćeni tekst, broj: 01-17/11 od 18.01.2011. godine. Zadužuje se Stručna služba Općinskog vijeća i Općinskog nadležna da pripremi Prijedlog Odluke i dostavi Vijeću na razmatranje.**

2. Vijećnik Ismet Abdulahović javio se za riječ i zatražio od Općinskog načelnika i nadležne Službe za privredu i finansije da se dostavi spisak (ako je bilo isplata naknada), svih vijećnika iz prošlog mandata kojima je isplaćena pojedinačna vijećnička naknada. Tražene podatke potrebno je dostaviti svim vijećnicima za narednu sjednicu..

Predsjedavajući OV u svoje lično ime i u ime Općinskog vijeća Vareš čestitao je svim građanima općine Vareš 1.mart - Dan nezavisnosti BiH.

Sastavni dio ovog Zapisnika je audio zapis sjednice.

Sjednica je završena u 11 sati i 45 minuta.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVALJUĆI***

**Zdravko Marošević**